




A. LAURENTIUS

De Scriptura sacra.

Hafniae 1589.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1043 4°






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1043 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1043 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1043 4°


h. 572

DA BOX

LN 1043

M





ASSERTIONES
DE SCRIPTURA SACRA,
IN DISPUTATIONEM AB ANDREA
LAVRENTIO: munere verò respondentis desun-
gente SEVERINO PETRI F. ad 4.
diem Nouemb: Anni 79.
propositæ.



H A F N I A E
Imprimebat Andreas Gutterwitz.

A N N O
M. D. LXXIX.

ASSERTIONES DE SACRA SCRIPTURA.

I.

Summus conditi, atq; deinceps redempti hominis finis
est noticia & gloria Dei. Matth: 5. Sic luceat
lux vestra. 1. Corinth: 10. Omnia in gloriam Dei
facite. Iohan: 17. Hec est vita eterna, vt te solum
cognoscant verum Deum, & quem misisti Iesum Christum.

II. Sed vera cognoscendi & glorificandi Dei ratio ex
scriptura discenda est. Psal: 119. Lucerna pedibus meis ver-
bum tuum Domine. Ezech: 33. In praeceptis meis ambulate.

III. Scripturae ergo assidua & diligente auscultatione,
lectione, & meditatione opus est. 1. Timoth: 4. Attende lectioni.

IIII. Quae quidem vt nobis commendatior, & quanta eius
dignitas, & praestantia sit intelligi possit: de ipsa paucis disse-
remus.

V. Etsi autem vocabuli scripturae vel scripturarum varius
sit vsus: tamen hic à nobis pro scripto illo, quod Prophetae, &
alii in tabulas retulerunt, vsurpabitur.

VI. Hec significatio ex vitae communis vsu petita est: in
more enim positum est, principes & magnos viros ea, quae rata
& firma esse velint, monumentis literarum mandare. Exod: 17.
Scribe hoc ad monumentum libro isto.

VII. Epitheton sacra vel sancta (vtrumq; enim vsurpatur.
Rom: 1 & 2. Timoth. 3.) διακριτικῶς ponitur.

VIII. Discernit enim hoc scriptum ab alijs omnibus, quae
humani ingenij acumine & sagacitate inuenta & perpolita
sunt.

ES

IX. Est erga sacra scriptura instrumentum seu tabula, quibus diuinitus per certos homines expressa & consignata est doctrina de essentia & voluntate Dei: de homine, quomodo lapsus & reus aeternae mortis factus ob peccatum, possit Christi beneficio aeternas poenas euadere, & aeternam beatitudinem assequi: ut Dei sapientia, potentia, iusticia & bonitas, in omnem aeternitatem celebrentur.

X. Efficiens causa scripturae est ipse Deus, qui hanc doctrinam primis parentibus eorumque successoribus subinde patefactam sui spiritus afflatu illustrauit. 2. Pet: 1. Sancti Dei homines acti à Spiritu Dei loquuti sunt, 2. Timoth: 3. Tota scriptura diuinitus inspirata, &c.

XI. Instrumentalis, sunt eius descriptores, & veluti exceptores, ut Moses, Eleazarus, Samuel, alijque Prophetae, Euangelista, & Apostoli.

XII. Materia & obiectum praeipuum est ipse Deus & homo, cuius quadruplex status, innocentiae nimirum, peccati, gratiae, & gloriae nobis in verbo Dei proponitur.

XIII. Finis, ut credamus quod Iesus sit Christus, & credentes vitam habeamus aeternam. Iohan: 20.

XIII. Effecta varia enumerantur. Psal: 19. ut puros reddere: animam famelicam & sitientem reficere: testari de voluntate Dei, & ipsius operibus, eorumque memoriam conservare: sapientem ex imperito reddere: ad metam immortalitatis rectum iter monstrare: Corda exbilarare: rebus difficilibus, & supra rationis humanae intellectum positis, lucem afferre: animos hominum vero Dei timore imbuiere: docere quae bona, quaeue mala, quid faciendum, quidue omittendum hominibus sit.

A 2 Paulus

XV. Paulus Rom: 15. doctrinam & consolationem scripturis tribuit: Quæ antè scripta sunt, ad nostram doctrinam scripta sunt, &c. 2. Timoth: 3. doctrine addit redargutionem, correctionem, & institutionem.

XVI. Pugnantia sunt, 1. Omnia scripta quæ sacris literis aduersantur: ut hæreticorum & fanaticorum omnium. 2. Eorum iactantia, qui se adeò cælestes & sublimes esse gloriantur, ut se sacris literis minimè indigere existiment: infirmis tantum & paruulis eas datas. 3. Eorum stulticia, qui, amissis sacris literis, se veri cultus Dei & sinceræ Religionis rationem ex Philosophorum scholis restituere posse arrogantissimè iactitant. 4. Omnis interpretatio quæ fidei analogæ non est.

XVII. Porro libri qui diuinam illam & cælestem sapientiam continent, etsi vno volumine comprehensifint: tamen minimè sunt eiusdem fidei & paris autoritatis omnes.

XVIII. Alij enim Canonici (Epiphanius $\rho\upsilon\tau\alpha\sigma$ $\beta\epsilon\lambda\lambda\sigma\sigma$, $\rho\eta\varsigma$ $\epsilon\upsilon\delta\iota\alpha\theta\epsilon\tau\sigma$. id est certos, & quasi in vno quodam corpore dispositos appellat) vocantur: quod ad eos, tanquam amissim & regulam, structura spiritualis ædificij formanda & aptanda sit, & errores ad eandem normam corrigendi & examinandi: quemadmodum Actor: 17. scribitur generosiores, qui Thessalonica habitauerunt, fecisse.

XIX. De his libris præclare dictum est ab Hieronymo: Spiritus sancti doctrina est, quæ Canonicis libris prodita est: Contra quam, si quid statuant concilia, nefas duco.

XX. Alij verò Apocryphi vulgo dicuntur, id est, occulti: propterea quod Ecclesiæ non fuerunt traditi cum certa spiritus Dei testificatione, ut in arca Ecclesiæ $\alpha\pi\chi\rho\gamma\omega\alpha$ conderentur, & palam ex eis doceretur Ecclesiæ.

Ceterum

XXI. Ceterum quinam Canonici, quique Apocryphi veteri & puriori Ecclesiae habiti fuerint, docet Eusebius, Hieronymus, veterumque alij nonnulli, quos quidem sequi tutius fuerit: quam illos, qui nullos libros, qui in sacro volumine, continentur, ex Canone censent excludendos.

XXII. Recte igitur in serijs disputationibus suspectae fidei libri, ut Iudith, Tobias, Syrach, Maccab. & alij reijciuntur.

XXIII. Quam autem difficile sit in tot fluctibus, & dubitationum procellis, quibus hominum fides tantum non obruitur, constanter assentiri scripturae sacrae, nimis multi sunt, qui experiuntur.

XXIV. Ut enim Euam primam parentem nostram Diabolus, iniecta de veritate verbi Dei dubitatione, evertit: ita etiam alios, quos euersos cupiat, eadem aggreditur machina.

XXV. Quare ut fides & assensio nostra de scripti verbi certitudine, & autoritate confirmaretur, antiquitas erudita praeclater collegit gradus quosdam testimoniorum: quibus animi conuicti, scripturis sacris fidem adhiberent.

XXVI. Eorum testimoniorum duplex genus est, externum nimirum, & internum, de quibus pauca.

XXVII. Externum vocatur quod in sensus incurrit; cuius partes seu gradus sunt septem.

XXVIII. 1. Patefactio, qua Deus ex arcana sede procedens, se voluntatemque suam hominibus patefecit, ut primis parentibus, Noe, Abrahae, Isaac, Iacob, Mosi, &c. quibus verbum suum commendauit & tradidit.

XXIX. 2. Miracula, id est, extra ordinaria quaedam opera, quae sunt solius naturae omnipotentis propria: ut annus saecun-

datio: solis cursus inhibitio & repressio: mortuorum excitatio,
& id genus alia.

XXX. 3. Antiquitas ipsa: nulla enim est antiquior Reli-
gio, quam ea, quæ Mosis scriptis compræhensa est: quemadmo-
dum Chronologia ratio euidenter ostendit: Huc pertinet illud
Tertuliani: Antiquissimum quodq; verissimum.

XXXI. 4. Prophetiarum completio: vt Mosis & alio-
rum de Christi æterno regno: de Monarchiarum serie, incremen-
to & decremento, &c.

XXXII. 5. Consensio in doctrina, & cultu DEI, qui om-
nibus temporibus iam inde vsq; à mundi ortu, idem extitit: quam-
uis non semper eadem doctrinæ lux fuerit.

XXXIII. Nam Patrum, & Patriarcharum obscurius:
Prophetarum vero clarius: Christi demum & Apostolorum con-
cionibus clarissimè tradita, & explicata est.

XXXIII. 6. Diuturna huius libri inter tot imperiorum
ruinas & fatales mutationes (etsi multi sæui Tyranni, vt Domi-
tianus, Antiochus & alij illum abolere conati sint) conseruatio
& possessio.

XXXV. 7. Tot Martyrum cruenta mors: de quibus est
vetus illud: Martyrum sanguis, est seges Ecclesiæ.

XXXVI. Internum testimonium est quod per spiritum
Dei cordibus hominum imprimitur, qui nos longè efficacissimè
confirmat. 1. Corinth: 2. Nobis Deus ea per spiritum suum re-
uelauit.

XXXVII. His & alijs testimonijs conuicti, repudiatis
Enthusiastarum delirijs, qui homines à lectione sacrorum libro-
rum auocare conantur, constanter assentiamur scripturæ sacræ,
quæ

quæ non ab hominibus, vel Ecclesia: sed ab ipso Deo auctoritatem
habet suam.

XXXVIII. Illud etiam, ut verissimum amplectimur,
authenticis libris sacris omnia Christianæ fidei dogmata, partim
expresse, partim verò non expresse: sed necessaria consequentia,
plenissimè comprehensa esse.

XXXIX. Quod hoc Pauli testimonio verum esse probari
potest. Omnis scriptura diuinitus tradita, utilis est ad doctri-
nam, & obiurgationem, & ad correctionem ad institutionem
in iusticia, ut perfectus sit homo Dei, & ad omne bonum opus,
paratus. 2. Timoth: 3.

XL. Etsi autem scriptura, quod quidem ad fundamentum
attinet, certa & minimè obscura sit: tamen cum rudes non ubiq;
eam intelligant, commonefaciendi erunt voce interpretum, cuius
rei ergò institutum est ministerium docendi, in Ecclesijs &
Scholis.

XL I. Boni autem interpretis officia sunt, commonefacere
auditores, de genere sermonis: de vero rerum ordine: doctrinæ
vsum in exhortatione, consolatione & institutione ostendere:
esse testem veræ sententiæ: & refutare interpretationes, &
corruptelas à fundamento ipso dissentientes.

XL II. Epiphanius hanc interpretandi rationem, ad qua-
tuor partes ἀδικοῦ nimirum θεωρίαν, ἀλληγορίαν καὶ παραδόξιν
reuocat.

XL III. ἀδικοῦ vocat illum sensum, quem voces ipsæ,
primo intuitu, præ se ferunt: vel experientiam, quæ verborum
significationem declarat: θεωρίαν collationem verborum, defini-
tiones, diuisiones, ratiocinationem. Quæ duo alij vocant sensum
histori-

historicum: ἀνυπογία, verò adhibenda erit, cum verba propriè
accepta, gignunt absurditatem aliquam: παράδοσις appellat ve-
teris & purioris Ecclesiæ testimonium: quod extat in monumen-
tis Ecclesiasticorum: scriptorum Græcorum & Latinorum.

XLIII. Quos qui legere volet, multum iunabitur libello
D: Philip: Melanth: de Ecclesia scripto.

XLV. Hæc interpretandi scientia, non est alligata or-
dinariæ successioni personarum: sed est donum in Ecclesia, quod
Deus dat, cui vult: Ioban: 14. Spiritus sanctus docebit vos
omnia. Psal: 119. Da mihi intellectum, vt discam mandata
tua. Et Paulus Ephes: 3. & Colloß: 1. optat Ecclesijs spiritum
illuminationis.



